

David Montalà i Palau, secretari generau deth Conselh Generau d'Aran,

CERTIFIQUI:

Qu'eth Conselh de Govèrn, en session ordinària de 4 de seteme de 2014, adoptèc, entre d'audi, er acòrd següent e que transcrit literaument ditz:

“5au.- APROBACION, SE PROCEDÍS, DERA ADJUDICACION DES SERVICIS DE “*TRANSPÒRT ESCOLAR PERA ROTA ARRES-VILAMÒS-PONT D'ARRÒS-VIELHA*” MEJANÇANT PROCEDIMENT NEGOCIAT SENSE PUBLICITAT PREALABA PER RASON DERA QUANTIA, DAMB TRAMITACION ORDINÀRIA.-

Vist er acòrd de Conselh de Govèrn de 5 d'agost de 2014 de dubertura de pliques dera licitacion des servicis de “*Transpòrt escolar pera rota Arres-Vilamòs-Pont d'Arròs-Vielha*” e de requeriment de documentacion ara empresa *AUTOCARES VAL D'ARAN SL*, coma adjudicatari des servicis nomentats.

Dat que, notificat er acòrd anterior, cònte era constitucion de garantida definitiva mejançant aval bancari, e presentada era rèsta de documentacion exigida en amàs de clausules administratives particulars.

Per tot açò expausat, e visti es articles 151, 154 e concordants deth Reiau Decret Legislatiu 3/2011, de 14 de noveme, peth quau s'apròve eth Tèxte Rehonut dera Lei de Contractes deth Sector Public (TRLCSP), se prepausa ath Conselh de Govèrn adjudicar eth contracte de servicis abantes nomentat ara empresa *AUTOCARES VAL D'ARAN SL*, en tot tier en compde qu'era adopcion d'aguest acòrd ei competència deth Conselh de Govèrn, en vertut des delegacions efectuades peth sindic d'Aran, mejançant Decrèt num. 240/2011, de 20 de junh [BOP de Lleida num. 110, de 4 d'agost de 2011, e DOGC num. 5938, de 9 d'agost de 2011].

Un còp sosmetuda era prepausa a votacion e debat, eth Conselh de Govèrn *acòrde per unanimitat* des quate (4) membres presents deth totau de quate que formen aguest organisme collegiat:

Prumèr.- Declarar vàlid eth procés de licitacion dera contratacion des servicis de *Transpòrt escolar pera rota Arres-Vilamòs-Pont d'Arròs-Vielha*, mejançant procediment negociat sense publicitat prealabla per rason dera quantia, damb tramitacion ordinària, cossent damb çò previst enes articles 10, 115 e 169 deth Reiau Decret Legislatiu 3/2011, de 14 de noveme, peth quau s'apròve eth Tèxte Rehonut dera Lei de Contractes deth Sector Public.

Dusau.- Adjudicar eth contracte de servicis abantes nomentat ara empresa *AUTOCARES VAL D'ARAN SL*, damb CIF B-25335811, per un impòrt de dus cents cinquanta èuros damb vint-e-cinc centims per dia (250,25 €/dia) IVA includit, damb eth desglossament següent:

- Dus cents vint-e-sèt èuros damb cinquanta centims per dia (227,50 €/dia) en concèpte de valor estimat diari o pressupòst net e,

- Vint-e-dus èuros damb setanta cinc centims per dia (22,75 €/dia), en concèpte d'IVA ath 10%.

Aguesta adjudicacion se hè a cargue dera partida pressupostària num. 01.324.223.00 deth pressupòst generau vigent entar exercici 2014, damb ua durada totau d'un (1) cors escolar (2014/2015).

Tresau.- Notificar aguesti acòrds ara empresa *AUTOCARES VAL D'ARAN SL*, adjudicatari d'aguest contracte, era presenta resolucion e citar-lo entara signatura deth contracte, que s'a de hèr laguens des quinze (15) dies següents ara recepcion dera notificacion d'aguest acòrd.

Quatau.- Dar publicitat dera adjudicacion e dera formalizacion deth contracte e dera rèsta de donades especificades en article 53 e concordants deth TRLCSP en Perfil deth Contractant, de conformitat damb es art. 151.4 e 154.2 TRLCSP.

Cincau.- Comunicar ath Registre Públic de Contractes dera Generalitat de Catalunya era adjudicacion d'aguest contracte, cossent damb çò qu'establís es art. 30 e 333 TRLCSP.


Siesau.- Facultar ath sindic d'Aran, en nòm e representacion deth Conselh, entara signatura de toti es documents publics e/o privats que siguen de besonh tà her efectives era tramitacion e execucion des acòrds anteriors.”

Eth tèxte definitiu d'aguest acòrd serà çò que resulte dera aprobacion dera acta.

E, entà qu'atau cònste ar efècte oportun, signi aguest certificat d'orde e damb visteplatz deth Sindic.

Vielha, 5 de seteme de 2014

Visteplatz
Eth Sindic



Carlos Barrera Sánchez